

सातम ने सोमवार,

दोहा जल शीश ज्यूँ थल मुंडा,  
कामण लम्बे केश,  
सन्त शूरा निपजावती,  
धिन मालाणी देश ।

सातम ने सोमवार,

सलके जी झाली रे शिव री सेवना ॥

सलके जी ने मिलिया भोलेनाथ,  
सलके जी ने दीनो मोबी दीकरो,  
भरियो मोतीड़े वालो थाल,  
सारी गलियों में गुड़ वेंटियो,  
जाइजो जाइजो जोशी रे दरबार,  
जावे जोशी ने वेगो लावजो ॥

नहीं जोणों म्हे जोशी रो दरबार,  
केड़े एलोणे घर ओलखों,  
आंगणे ऊबी है नागरवेल,  
बारणे जोशी रे पारस पीपली ॥

सुतां होवो तो अरा जाग,  
बैठा होवो तो बायर आवजो,

कावण पड़ियो म्हारे सुं रे काम,  
किण रे कामां सुं हेलो मारियो ॥

हालणों कोई रावले दरबार,  
नैना कंवर रा नगतर देखणा,  
आया जोशी रावले दरबार,  
जोशी ने वधायी मूंगे मोतीये ॥

खोलो थोंरा वेद ने पुराण,  
जूना जुगों रा खोलो टीपणा,  
सोखी रे घड़ियों ने सोखो वार,  
सोखा नगतरिये कंवर जनमियो ॥

करसी मालाणी वालो राज,  
नाम देरावो रावल मालजी,  
ज्यूँ तारों में शोभे चन्द्र भोण,  
ज्यूँ फौजों में शोभे रावल मालजी ॥

अमर रहिजो मेवा रा माल,  
अमर रहिजो मेवा रा मौनवी,  
माला फेरी आप अपार,  
रूपादे धारुजी ज्यांरे साथ में ॥

सांतम ने सोमवार,  
सलके जी झाली रे शिव री सेवना,  
सांतम ने सोमवार,

सलके जी झाली रे शिव री सेवना ।।

गायक लक्ष्मण तंवर करना ।  
प्रेषक दिनेश पांचाल बुड़ीवाड़ा  
8003827398

Source:

<https://www.bharattemples.com/saatam-ne-somwar-salke-jhali-re-shiv-ri-sevna/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>